



Broj: 17-08-3-50-361-932/13
Datum: 19.4.2013. godine.

**PARLAMENTARNA SKUPŠTINA BIH
PREDSTAVNIČKI DOM
Sarajevo**



PREDMET :Zastupnička pitanja, odgovor, dostavlja se.-

Veza: Vaš akt broj 01/a-50-1-15-46/13 od 28.03.2013. godine

U vezi Vašeg akta broj i datum veze dostavljamo Vam odgovore na postavljena poslanička pitanja.

1. Na osnovu ostvarenih rezultata Granične policije BiH u zadnje tri godine, kao i operativnih pokazatelja i otvorenih izvora, utvrđeno je da ilegalni migranti za prelazak granice obično ne koriste granične prelaze već granicu prelaze ilegalno mimo graničnih prelaza. Migranti u BiH ulaze najčešće preko granice sa Srbijom i Crnom Gorom, a najugroženije je područje JGP Hum i JGP Višegrad i preko MA Sarajevo dok se za izlaz iz BiH uglavnom koristi područje JGP Velika Kladuša te u zadnje vrijeme područja JGP Doljani i JGP Gorica. Dio migranata (naročito iz Turske) u BiH dolazi legalno preko MAS-a i na ulazu u BiH pokazuju uredne putne isprave, ovjerena garantna pisma, koja su im predhodno pribavili krijumčari, dovoljno novčanih sredstava koja su propisana Zakonom o ulasku i boravku stranaca, uredan lični prtljag za boravak nekoliko dana. Nakon što završe sa graničnim provjerama migranti borave u Sarajevu nekoliko dana po raznim hostelima, motelima dok im se ne javi lice koje je zaduženo za njihovo prebacivanje i koje im daje uputstva za dalje prebacivanje. U većini slučajeva su koristili autobus iz Sarajeva do Bihaća gdje su ih čekali vođači koji bi ih smještali po privatnim kućama i pješice obilaznim putevima prebacivali do R.Hrvatske.Nakon ilegalnog prelaska granice na pogodnim mjestima u Republici Hrvatskoj ilegalne migrante ponovo preuzimaju vođači i privatnim vozilima prebacuju dalje. Vođači za svoje usluge naplaćuju 300 Evra po osobi. Što se ostalih vrsta prekograničnog kriminala tiče, najviše otkrivenih KD, u periodu 2010-2012. godine evidentirano je na području JGP Izačić i to 108 KD iz raznih oblasti kriminaliteta.
2. Kada je riječ o ilegalnim migracijama, sa aspekta Granične policije BiH prepoznamo migrante i krijumčare ljudi. Prilikom ilegalnih migracija migranti se nalaze u prekršaju (ZoKBSiA), a krijumčari ljudi čine KD Krijumčarenja ljudi iz čl.189 KZ BiH. U protekle tri godine GP BiH je nadležnim tužilaštvima dostavila 51 službeni izvještaj o počinjenom KD, zbog osnova sumnje da je počinjeno 55 KD iz člana 189 KZ BiH krijumčarenje ljudi. Od toga se 17 službenih izvještaja odnosi na čl. 250 KZ BiH (Organizovani kriminal) i 3 službena izvještaja se odnose na čl. 249 KZ BiH (Udruživanje radi izvršenja KD). Za navedena KD nadležnim tužilaštvima prijavljeno je 138 lica, od čega je 109 državljana BiH, 11 državljana Srbije, 5 državljana Turske, 3 državljana Hrvatske, 2 državljana Crne Gore, 2 državljana Makedonije, 2 državljana Slovenije, 1 državljanin Francuske, dok se za 3 lica nije moglo ustanoviti državljanstvo.
3. U protekle tri godine Centralna istražna kancelarija GP BiH Provela je 5 međunarodnih operativnih akcija koje su za cilj imale suzbijanje ilegalne migracije i razbijanje OKG na području BiH, Hrvatske i Slovenije.Tokom realizacije OA kodnih naziva "Jezero", "Una", "Loka",

"Loka 2" i "Kašmir" na teritoriji BiH izvršen je pretres na 45 lokacija, kojom prilikom je slobode lišeno 58 lica te oduzeta određena količina oružja i novca proisteklog iz kriminalnih aktivnosti. Tokom dokumentovanja kriminalnih aktivnosti utvrđeno je da su navedena lica, na područje Republike Hrvatske iz BiH prebacila preko 200 ilegalnih migranata.

S poštovanjem,

Dostavljeno:

- naslovu,
- a/a,



Broj: 01 10-J-1093-11 13Datum, 10.05 2013. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 14.05.2013			
Organizacione jedinice	Klasifikacione oznake	Kodni broj	Broj priloga
01-10-1-15		46	13

BOSNA I HERCEGOVINA
Parlamentarna skupština BiH
Zastupnički dom/Predstavnički dom

PREDMET: Odgovor na zastupnička pitanja, *dostavlja se*
VEZA: Vaš akt broj: 01/a-50-1-15-46/13 od 28.03.2013. godine

U vezi Vašeg akta, broj i datum veze, kojim ste od Uprave za indirektno oporezivanje tražili dostavljanje prijedloga odgovora na zastupnička pitanja Zijada Jagodića, zastupnika u Zastupničkom domu Parlamentarne skupštine Bosne i Hercegovine postavljenog na 46. sjednici ovog doma, u prilogu dostavljamo prijedlog odgovora sačinjenog od strane Uprave za indirektno oporezivanje.

S poštovanjem,

Prilog: - prijedlog odgovora

Dostaviti:

☉ Naslovu

- Upravnom odboru UINO

- 01

- 05

- 05/2

- a/a



DIREKTOR

Dr. Miro Džakula

PRIJEDLOG

G-din Zijad Jagodić, zastupnik u Zastupničkom domu Parlamentarne skupštine Bosne i Hercegovine postavio je na 46. sjednici Zastupničkog doma Parlamentarne skupštine Bosne i Hercegovine, održanoj 28.03.2013. godine, slijedeća pitanja:

1. Na kojim graničnim prijelazima u BiH je najviše evidentirano krijumčarenja robe široke potrošnje, ali i akcizne/visokotarifne robe u posljednje tri godine?
2. Kolika je vrijednost krijumčarene robe široke potrošnje a kolika akcizne, koja je oduzeta u navedenom periodu?
3. Koliko je tih predmeta ukupno?
4. Koliko ih je do sada riješeno?
5. Šta UIO BiH konkretno poduzima na smanjenju i otkrivanju krijumčarene robe?

Na postavljena pitanja dajemo slijedeće:


ODGOVORE

1. Ovlašteni službenici Uprave za indirektno/neizravno oporezivanje u posljednje tri godine najviše su otkrili i privremeno oduzeli robe koja nije bila prijavljena u skladu za Zakonom o carinskoj politici na Graničnom prelazu Rača, Graničnom prelazu Pavlovića Most, GP Izačić, GP Aerodrom Sarajevo, GP Karakaj, GP Uvac, GP Gradiška, GP Kamensko, GP Brod, GP Šepak, GP Bratunac i GP Orašje.
2. Roba koja je privremeno oduzeta od strane ovlaštenih službenika Uprave za indirektno/neizravno oporezivanje u posljednje tri godine na graničnim prelazima procjenjuje se u vrijednosti od cca 1.680.452,85 KM, od toga roba široke potrošnje se procjenjuje u vrijednosti od cca 1.638.523,05 KM, a akcizna roba u vrijednosti od cca 41.929,80 KM.
3. Službenici Uprave za indirektno/neizravno oporezivanje u posljednje tri godine podnijeli su ukupno 342 zahtjeva za pokretanje prekršajnog postupka nadležnim sudovima za prekršaje koji su otkriveni na graničnim prelazima.
U posljednje tri godine, ovlaštena službena lica Uprave za indirektno/neizravno oporezivanje su podnijela ukupno 6 Izvještaja o postojanju osnova sumnje o počinjenom krivičnom djelu Krijumčarenja iz čl. 214. KZ BiH za robu široke potrošnje koja je otkrivena na graničnim prelazima.
Što se tiče akcizne robe ovlaštena službena lica UI/NO poduzimajući radnje i mjere iz propisanih nadležnosti podnijeli su 2 Izvještaja o postojanju osnova sumnje o počinjenom krivičnom djelu i počiniocu kojima se prijavljeni terete da su izbjegavanjem prijavljivanja robe (kafa) te propisanog obračuna plaćanja carinskih i poreznih obaveza počinili više krivičnih djela.
U prvom slučaju radi se krivičnom djelu Krijumčarenja iz čl. 214. KZ BiH te krivičnom djelu Organiziranja grupe ljudi ili udruženja radi krijumčarenja ili rasturanja neocarinjene robe iz čl. 215. KZ BiH.
Procjenjuje se da je navedenim radnjama Bužet BiH oštećen za iznos od 709.283,00 KM.
U drugom slučaju, se radi o krivičnim djelima Organizovanog kriminala iz čl. 250. KZ BiH, u vezi sa Krijumčarenjem iz čl. 214. KZ BiH, Poreznom utajom iz čl. 210. KZ BiH, Pranjem novca iz čl. 209. KZ BiH, te Pomaganjem iz čl. 31. KZ BiH, gdje postoje osnovi sumnje da je organizovana kriminalana grupa prokrijumčarila veću količinu sirove kafe i time oštetila budžet BiH za oko 9.000.000,00 KM.

Tako je u predmetnom slučaju u toku 2009. i 2010. godine prokrijumčareno cca 3300 tona kafe od čega su preko GP Gradiška prokrijumčarene 123 pošiljke, a preko GP Izačić 15 pošiljki kafe. Krijumčarenje je vršeno na način da je kafa prikazivana kao druga roba (soja i ekspanzirana glina).

Napominjemo da je sredinom 2009. godine stupio na snagu novi Zakonu o akcizama u BiH u kojem je akciza na sirovu kafu sa 1,00 KM povećana je na 1,50 KM te je očekivan rast po pitanju prikupljanja ove vrste prihoda. Iz grafičko-tabelarnog pregleda može se uočiti da u prvoj godini primjene ovog Zakona nije došlo do očekivanog rasta, što se u Upravi za indirektno/neizravno oporezivanje uočilo te su pokrenute određene aktivnosti. Rezultat tih aktivnosti je povećana naplata ove vrste prihoda a i podnošenje gore pomenutih Izvještaja o počinjenim krivičnim djelima nadležnom Tužilaštvu.

Grafikon 1: Ukupno naplaćena akciza na kafu za period 2006-2012. godina



- Službenici Uprave za indirektno/neizravno oporezivanje u posljednje tri godine podnijeli su ukupno 342 zahtjeva za pokretanje prekršajnog postupka nadležnim sudovima za prekršaje koji su otkriveni na graničnim prelazima, od kojih je do danas riješeno 263 zahtjeva.

Što se tiče podnesenih Izvještaja o postojanju osnovane sumnje o počinjenom krivičnom djelu i počiniocu podnesenih na nadležno Tužilaštvo trenutno ne raspoložemo saznanjima o konačnom broju riješenih predmeta s obzirom na činjenicu da je Tužilaštvo jedino ovlašteno za gonjenje počinitelja krivičnih djela i pokretanje krivičnog postupka uopšte.

- Ovlaštena službena lica Uprave za indirektno/neizravno oporezivanje kontinuirano rade na prikupljanju podataka i dokumentacije kao i otkrivanju svih oblika povreda zakona o indirektnom oporezivanju, pa tako i krijumčarenja kako robe široke potrošnje, tako i akcizne te i svih drugih vrsta roba. Ostvaruje se saradnja sa svim agencijama za provođenje zakona, a čiji cilj se ogleda u spriječavanju, otkrivanju i procesuiranju svih oblika kriminalnih djelatnosti pred nadležnim Tužilaštvom. Tako u posljednjem vremenskom periodu, ovlaštena službena lica poduzimaju razne

aktivnosti i operacije kako samostalno, tako i sa drugima agencijama, te pod nadzorom tužilaštva poduzimaju sve potrebne radnje dokazivanja postojanja određenog krivičnog djela i njegovog učinioca, a sve sa krajnjim ciljem, a to je kažnjavanje počilaca, te smanjenje broja počinjenih krivičnih djela.

I u budućem periodu Uprava za indirektno/neizravno oporezivanje će nastaviti da poduzima sve radnje koje su propisane zakonom, kako bi osigurala zaštitu prihoda, a samim tim i zaštitu društva u cjelini.

Uprava za indirektno/neizravno oporezivanje



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1191/13
Sarajevo, 21.5.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22.05.2013			
Organizaciona jedinica	Klasifikaciona oznaka	Redni broj	Broj priloga
01-50-1-15		46	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 50. sjednici održanoj 15. i 21.5.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1191/13
Sarajevo, 24. 5. 2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 46. sjednici Predstavničkog doma održanoj 28.03.2013. godine, postavio je sljedeće poslaničko pitanje:

"Zašto se ne imenuje novi Upravni odbor Agencije za osiguranje u BiH, obzirom da je starom Upravnom odboru istekao mandat u junu 2012.godine."

Na postavljeno pitanje, Vijeće ministara Bosne i Hercegovine je na 50. sjednici održanoj 15. i 21. 5. 2013. godine, utvrdilo sljedeći

ODGOVOR

Zakonom o Agenciji za osiguranje u Bosni i Hercegovini ("Službeni glasnik BiH", br.12/04) propisano je da upravi odbor Agencije za osiguranje u Bosni i Hercegovini broji sedam članova. Od navedenih sedam članova Vijeće ministara Bosne i Hercegovine imenuje predsjednika i još dva člana, dok entitetska ministarstva finansija predlažu po dva člana, s tim da Vijeće ministara Bosne i Hercegovine donosi odluke i o imenovanju članova upravnog odbora Agencije iz oba entiteta.

Mandat prethodnog saziva upravnog odbora Agencije istekao je 11.06.2012.godine. Agencija je blagovremeno, još 20.03.2012.godine, pred Ministarstvom finansija i trezora Bosne i Hercegovine pokrenula inicijativu za preduzimanje aktivnosti oko imenovanja novih članova upravnog odbora Agencije. 08.06.2012. godine, nakon upućene urgencije Ministarstvu finansija i trezora Bosne i Hercegovine, od strane tog Ministarstva smo 12.06.2012.godine obaviješteni da je isto preduzelo mjere oko imenovanja novih članova upravnog odbora Agencije i s tim u vezi kontaktirali entitetska ministarstva finansija, te da je od strane Ministarstva finansija RS dostavljen prijedlog za dva člana upravnog odbora, kao i da nisu sporni ni članovi upravnog odbora koje imenuje Vijeće ministara, već da od strane Ministarstva finansija FBiH i nakon dvije urgencije nisu dostavljeni prijedlozi za dva člana upravnog odbora.

Nakon toga je ova Agencija u više navrata upućivala urgencije radi imenovanja članova upravnog odbora i to: 27.08.2012.godine i 30.11.2012.godine Ministarstvu finansija FBiH, 10.09.2012.godine i 30.11.2012.godine Vladi FBiH, ali bez ikakvog odgovora.

Iz svega gore navedenog proizilazi da poteškoću u imenovanju novog saziva upravnog odbora ove Agencije predstavlja činjenica da Ministarstvo finansija FBiH nije dalo svoj prijedlog za dva člana upravnog odbora. Međutim, i pored gore pobrojanih aktivnosti preduzetih od strane ove Agencije ni do danas nije uslijedilo imenovanje upravnog odbora, što predstavlja veliku poteškoću u radu Agencije obzirom na nadležnosti koje prema Zakonu o Agenciji za osiguranje u Bosni i Hercegovini ima upravni odbor, pogotovo nadležnost propisanu članom 6. Zakona koja se odnosi na davanje saglasnosti na nacрте, odnosno prijedloge zakona i drugih akata, koje predloži jedan ili oba entiteta.

* * *

U međuvremenu, Federalno ministarstvo finansija dostavilo je svoj Prijedlog za članove Upravnog odbora ove Agencije, te je Ministarstvo finansija i trezora Bosne i Hercegovine priremilo i Vijeću ministara dostavilo Prijedlog odluke o imenovanju članova Upravnog odbora Agencije za osiguranje u Bosni i Hercegovini, koji će biti razmatran na narednoj sjednici Vijeća ministara.